



Broj: 03-3-977/20

Datum: 17.03.2020. godine

## **PREDMET: Saopštenje za javnost**

### **Informacija za građane u vezi sa situacijom izazvanom pojavom virusnog oboljenja „COVID-19“**

U vezi sa pojavom virusnog oboljenja „COVID-19“ i pitanjima koja se odnose na dostupnost usluga banaka u Federaciji BiH, Agencija za bankarstvo FBiH (u daljnjem tekstu: Agencija) obavještava građane da je bankarski sektor u Federaciji BiH visoko likvidan i kapitaliziran, te da je sigurnost bankarskog sektora na iznimno visokom nivou. Propisi u domenu likvidnosti i kapitala u Federaciji BiH su konzervativni i oprezni i u poređenju sa propisima u zemljama regiona i EU. Dosadašnji pristup Agencije i banaka je uključivao planiranje i testiranje otpornosti sistema na različite poremećaje i okolnosti sa kojima se danas suočavamo. Snaga bankarskog sistema je rezultat dugogodišnjeg razvoja regulatornog okvira, odgovornog pristupa Agencije i banaka.

Kao potvrda prethodno navedenog, učešće novčanih sredstava u ukupnoj imovini bankarskog sektora na dan 16.03.2020. godine je preko 30%, što daje značajan prostor bankama u Federaciji BiH da na zadovoljavajući način upravljaju likvidnošću u dužem vremenskom periodu. Istovremeno, stopa adekvatnosti kapitala bankarskog sektora iznosi 18%, što je za 50% više u odnosu na zakonom propisani minimum. Visoka kapitaliziranost bankarskog sistema daje mogućnost za apsorpciju višeg nivoa rizika kojem bi banke mogle biti izložene u kriznim uslovima i osigurava ključne pretpostavke za kontinuitet poslovanja banaka.

Cijeneći visoku likvidnost i stabilnost banaka u Federaciji BiH, informišemo javnost da će banke nastaviti kontinuirano pružati usluge građanima Federacije BiH. Istovremeno, upućujemo građane da u što većoj mjeri koriste elektronske kanale i načine plaćanja, izbjegavajući korištenje gotovine i nepotrebno zadržavanje u poslovnicama banaka, uvažavajući rizik prenosa zaraze, kao i preporuke nadležnih ministarstava i institucija u dijelu mjera koje se odnose na zaštitu zdravlja građana.

Sve banke su poduzele mjere na ublažavanju širenja zaraze, na način da upravljaju zadržavanjem i kretanjem klijenata u zatvorenom prostoru poslovnica. Navedene mjere su isključivo higijensko-tehničkog karaktera i poduzimaju se u cilju suzbijanja širenja virusa i nisu izazvane poteškoćama u operativnom ili finansijskom poslovanju banaka.

Molimo građane da prate uputstva nadležnih institucija i banaka, i da svoje aktivnosti prilagode trenutnim okolnostima.

Agencija za bankarstvo Federacije BiH